

*Taiting na  
Fas Ofa*



*“Kisim ikam olgeta ol taiting  
ikam insait long stohaus, . . . na  
soim mi nau wantaim dispela,  
Bikpela i toktok, sapos Mi bai  
ino openim yu ol windo bilong  
heven, na kapsaitim ikamaut long  
yu wanpela blesing, olsem bai yu  
nogat rum inap long risivim ol.”*

**Malakai 3:10**

Papa bilong Yu long Heven i lavim yu na i laik blesim yu insait long olgeta hap bilong laip bilong yu. Ol komanmen we Em i givim tru long ol profet bilong Em bai i halivim yu long istap hamamas insait long laip. Komanmen long peim taiting, we ibin kam bek gen tru long Profet Josep Smit, bai i givim yu sans long halivim long bildim kingdom bilong God long graun. Obeim dispela komanmen em wanpela samting yu mas mekim long baptais ikam insait long Sios bilong Jisas Kraus bilong ol Seint long Las de.

### *Wanem Em Taiting?*

Taiting em kontribusen bilong wan-tent bilong moni bilong wanwan igo long Sios bilong God. Dispela komanmen i bin stap bipo inapim taim bilong Olpela Testamen. Profet Malakai i bin tisim lo bilong taiting we i dia tumas na ol blesing we i save kam long obeim dispela komanmen:

“Kisim ikam olgeta ol taiting ikam insait long stohaus, . . . na soim mi nau wantaim dispela, Bikpela i toktok, sapos Mi bai ino opim yu ol windo bilong heven, na kapsaitim ikamaut long yu wanpela blesing, olsem bai yu nogat rum inap long kisim ol” (Malakai 3:10).

Insait long 1838 Bikpela i toktok gen long dispela komanmen tru long Profet Josep Smit:

*Ol bikpela blesing we  
Bikpela i promisim i stap  
na em bai givim i go  
long husait i harim na  
foloim dispela komanmen  
long peim taiting.*

“Manmeri bilong mi . . . bai i peim wan-tent long olgeta intrest bilong ol olgeta ia; na dispela bai ikamap olsem lo we bai i sanap igo long ol oltaim” (Doktrin na Kavanen 119:3–4). *Intrest* em i minim olsem moni we yu kisim long em.

Taiting bilong yu em holi tumas igo long Bikipela, na yu onarim Em taim yu peim taiting. Peim taiting em olsem yu soim feit bilong yu insait long God na wok bilong Em.

### *Wai na Mi Mas Kontribiutim Taiting?*

Olgeta samting we em i gutpela insait long laip bilong yu em presen ikam long Papa bilong yu Long Heven husait i lavim yu tumas. Taim yu givim 10 pesent igo long Em long wanem samting em i givim yu, yu soim lav bilong yu, feit, na tok tenkyu. Yu soim God olsem yu bai i foloim Em na tu long taim nogut; yu soim Em olsem yu bai i rilai long Em na yu bai ino bilip long moni or ol samting bilong graun. Bikos long feitfulnes bilong yu, Papa bilong yu Long Heven i promisim yu ol blesing we em i bikipela moa long ol narapela samting yu iken givim ap.

Olsem sampela ol manmeri i save painim hard long bilip olsem ol iken inap afodim wan-tent bilong moni bilong ol, feitful manmeri husait i save givim taiting bilong ol i save lainim olsem ol i save painim hard long inoken givim taiting bilong ol. Insait long trupla na wandaful wei, ol windo bilong heven i op, na ol blesing





i kapsait ikamaut antap long ol.  
Olsem wanpela wido mama i toktok  
long pikinini man bilong em,  
“Mi hard [long kirapim yupela ol  
pikinini] taim inogat blesing bilong  
Bikpela, na Mi save kisim dispela  
ol blesing taim mi peim honest  
taiting. Taim Mi peim taiting  
bilong mi, Mi igat promis bilong  
Bikpela olsem em bai i blesim  
yumi, na yumi mas igat dispela ol blesing sapos yumi laik  
igo yet” (Dallin H. Oaks, *Ensign*, May 1994, 33).

Strong bilong Spirit isave kam long taim yu rilai long  
Bikpela. Taim yumi bungim na lukim hatpela trail bilong  
laip, yumi nidim bigpela feit, insparesen, na strongpela  
bel. Dispela ol blesing iken kapsait ikamaut long windo  
bilong heven taim yu obeim lo bilong taiting.

Na antap moa, planti manmeri i save painim olsem  
bikos ol i feitful manmeri long peim taiting ol i orait tru  
long lukautim ol moni bilong ol na mitim ol nid bilong  
ol. Peim taiting isave tisim yumi long kontrolim disaia  
bilong yumi long ol samting bilong graun na mekim  
yumi honest long ol barata na susa bilong yumi. Yumi  
lain long trastim olsem wanem samting yumi i bin kisim,  
tru long blesing bilong Bikpela na strongpela hard wok  
bilong yumi, em inap long ol nid bilong yumi.

*Peim tating i save soim  
feit bilong yu insait  
long Jisas Krai. Taim  
yu rilai long Em, yu bai  
risivim strong, gaidens,  
na sapot yu nidim insait  
long laip bilong yu.*





Nogat wari long hamas moni bilong yu, yu bai i kisim blesing taim yu peim taiting. Taim Jisas i lukim wanpela meri i putim liklik moni bilong em igo insait long tempel kontribusen, Em tokim ol disaipel bilong Em, “Dispela lapun meri husait man bilong em i dai na inogat moni i putim planti igo insait, ino olsem ol narapela we ol i putim igo insait: bilong wanem olgeta i bin putim igo insait ekstra bilong ol; tasol lapun meri . . . i bin putim olgeta we em i gat long en” (Mak 12:43–44).

## *Hao Na ol i save Usim ol Taiting Moni?*

Taiting em lo bilong Bikpela long fainens bilong Sios bilong Em. Taiting kontribusen em olgeta taim ol i save usim long wok bilong Bikpela tasol, we Em i save soim tru kaunsil long ol wok man bilong Em. Sampela ol us bilong em:

- Bilding na menteinim ol tempel, ol chapel, na ol narapela Sios bilding.
- Sapotim ol ektiviti na ol wok operesen bilong lokal Sios lotu grup manmeri.
- Sapotim ol program bilong Sios, kauntim edukesen na famili histori painim.

Taiting ol i save givim long praivet, na infomesen long donesen ol i save holim strong istap sekret.



## *Mekim Fas na Fas Ofa*

Na antap tu long peim taiting, yumi kisim komanmen olsem yumi mas givim ol samting bilong yumi igo long halivim ol sore na nidi manmeri. Wanpela wei long mekim dispela em olsem mekim fas na istap wantaim nogat kaikai na wara long tupela kaikai taim. Bikpela i kisim ikam bek gen ol prinsapol bilong mekim fas tru long Profet Josep Smit, na Sios i save makim wanpela Sande bilong wanpela mun olsem de bilong mekim fas. Mekim fas, we em ibin long olgeta taim i soim kala bilong tru sios, em sans bilong mekim niu spirit bilong yu na grow klostu igo long Papa Long Heven.

Olsem hap bilong fas, memba bilong Sios isave putim i kam fas ofa bilong ol wantaim gudpela bel bilong lukautim bilong ol sore manmeri na ol nidi. Dispela ofa i mas klostu long moni bilong tupela kaikai taim we memba bilong Sios bai ino kaikai taim em fas. Dispela ol moni ol i save usim long givim aut kaikai, ples bilong istap seif, na ol narapela samting we i dia tumas long ol manmeri istap long nid, tupela wantaim lokal na ol narapela kantri.

Inogat stretpela amaunt bilong moni bai yu givim long fas ofa. Taim yu givim wantaim gudpela bel i go long ol dispela fand, yu bai i kisim blesing bilong spirit na tu bilong nau long disaea bilong yu long halivim ol narapela.





## EKSTRA STADI

Dispela foloing askim na skripsa bai i halivim yu long tingting moa long ol tok tru insait long dispela pamplet. Ol nout long tambolo na kros- refrens insait long skripsa bai i kisim yu igo long lukluk long ol ekstra stori na risos long dispela prinsapol.

### **Bilong wanem na taiting em i impotent?**

Levitikas 27:30 (Baibel, Olpela Testamen)

Luk 12:16–21 (Baibel, Niupela Testamen)

### **Wanem ol blesing i save kam long givim taiting?**

Malakai 3:8–12 (Baibel, Olpela Testamen; lukim tu long 3 Nifai 24:8–12, Buk bilong Momon, paig 555)

Matthew 6:31–33 (Baibel, Niupela Testamen; lukim tu long 3 Nifai 13:31–33, Buk bilong Momon, paig 531)

“Taiting,” *istap Tru long Bilip* (Ol misinari o wanpela memba bilong Sios iken halivim yu long kisim wanpela kopi bilong dispela buk. Yu tu i ken painim long onlain long [www.mormon.org](http://www.mormon.org).)

### **Hao bai Mi halivim ol sore manmeri na ol nidi?**

Isaiah 58:6–7 (Baibel, Olpela Testamen)

Matthew 19:21 (Baibel, Niupela Testamen)

Mosaia 4:26 (Buk bilong Momon, ol paig 183–184)



# Wanem samting bai Mi Mas Mekim?

- Kontiniu long ridim Buk bilong Momon.  
Ol sampela riding: \_\_\_\_\_  
\_\_\_\_\_
- Stat nau long peim full taiting. Prea long halivim long kipim dispela komanmen.
- Kam long sios dispela Sande.
- Kontiniu long redi long baptais  
Baptais deit: \_\_\_\_\_
- Visitim [www.mormon.org](http://www.mormon.org) long lainim moa long Sios bilong Jisas Krai bilong ol Seint long Las de.
- Kontiniu long mitim ol misinari long lainim moa long hao ol komanmen bilong God iken blesim laip bilong yu.

Narapela apoinmen: \_\_\_\_\_

Nem bilong ol Misinari na fon namba:  
\_\_\_\_\_  
\_\_\_\_\_  
\_\_\_\_\_

SIOS BILONG  
**JISAS KRAIS**  
BILONG  
OL SEINT LONG LAS DE

[www.mormon.org](http://www.mormon.org)

#### Piksa Kredit

Frant kava, ditail long *Krais na Yangpela Rich Lidaman*, bai Heinrich Hofmann, Courtesy C. Harrison Conroy Co., Inc.  
Peig 8, ditail long *Olgeta we Meri i Gat long em*, bai Simon Dewey. © Simon Dewey  
Ol Peig 5, 6, 11, 14 bai Steve Bunderson. © Steve Bunderson  
Ol Peig 13 bai Steve Bunderson & Monique Saenz. © Steve Bunderson

© 2007 bai Intellectual Reserve, Inc. Olgeta rite i risep. Ol Printim long USA. Tok orait long Inglis: 11/05.  
Tok orait long Tanim tokples: 11/05. Tanim tokples bilong *Tithing and Fast Offerings*. Tok Pisin. 01181 878

TOK PISIN



01151 878